



Inatsisartuni ilaasortaq, Vivian Motzfeldt, Siumut

Ilaasunik, allakkanik nassiussanillu angallassineq pillugu kiffartuussinermut isumaqatigiissutit neqeroortitsivigineqarnissaat pillugu § 37 naapertorlugu apeqqummut nr. 2016-070-imut akissuteqaat

Brevdato: 10-03-2016
Sags nr.2016 - 3595
Dok. nr. 8575560

Asasara Vivian Motzfeldt

Ilaasunik, allakkanik nassiussanillu angallassineq pillugu kiffartuussinissamut isumaqatigiissutissat pillugit apeqquinnut, Inatsisartut Suleriaasianni § 37 naapertorlugu nassiussannut qujanaq.

Postboks 909
3900 Nuuk

Tlf.: (+299) 34 50 00

Fax: (+299) 32 52 86

E-mail: isan@nanoq.gl
www.naalakkersuisut.gl

Aallarniutigalugu oqaatigissavara, kiffartuussinissamut isumaqatigiissusiornitsigut nunap tamarmiusup ataqatigiinnerunissaa, tamatumalu peqatigisaanik isumaqatigiissutit – isumannaassutsimut eqquisussaangilluinnarlutik – annertunerpaamik eqaatsumik pitsaasumillu aaqqiinissamut tapertaanissaat tamakkiisumik tapersersorakku.

Matuma kinguliani apeqquittit, illit tulleriinnilersuinerit malillugu akissuteqarfigaakka.

1) Silaannakkut angallannermi isumaqatigiissutit nutaamik isumaqatiginninniutigineqarnerat sumut killippa?

Aallarniutigalugu erseqqissaatigissavara, matumani kiffartuussinermut isumaqatigiissutit pillugit isumaqatiginninniarnert, kiffartuussinissamut isumaqatigiissutissanut neqerooruteqarfiusussat pineqanngimmata. Sullissisussa iluanaarnarnerpaaq neqerooruteqartitsinikkut nassaarineqarpat, suliassat naammassineqartussat aalajangersimasut ataasiakkaat pillugit isumaqatiginninniartoqartussaavoq, tamatumani ataatsimut isiginiagassanik aningaasaqarnermullu sinaakkusiussanik nikisitsissanngilaq. Kiffartuussinissamut isumaqatigiissutit maanna atuuttut ukiumik ataatsimik sivitsoqqinneqareerlutik 2016-ip naanerani atorunnaartussaapput. Tamatumani kingunerisaanik tamanna sioqqullugu kiffartuussinissamut isumaqatigiissutinut nutaanut neqeroortitsisoqassaaq. Suliassaq taanna pitsaanerpaamik piareersarniarlugu 2015-imi suleriaatsimik, kiffartuussinissamut isumaqatigiissutit nutaat 1. januar 2017-imi atuutilernissaannut aqutissiuissamik aallartitsisoqarpoq.

2015-ip ingerlanerani ataatsimiinnerit arlallit, politikikkut allaffissornermillu suliaqartunut tunngasut ingerlanneqarput, taakkunanilu ilaatigut kommunit kiffartuussinissamut isumaqatigiissutissanut kissaataat oqallisigineqarput. Taakkunani suliat ingerlanissaannut aammalu angusassatut kissaatigineqartunut ilaliussat naleqarluartut katersorneqarput.

2016-imi aasaanerani kiffartuussinissamut isumaqatigiissutissat, 1. januar 2017-imi atuutilersussat neqeroortitsivigineqarnissaat isumaqatigiissuteqarfigineqarnissaallu, taakkunanilu aningaasassarititaasut atorlugit akit ilusaasa paasiuminarnerulernissaannik, attaveqaatit ilusaasa ataqatigiinnerunissaannik, pilersuineri isumannaassutsip qaffasinnerulernissaannik pingaartumillu angallannerup annertunerpaanissaanik pilersitsinissaaq Naalakkersuisunit siunnerfigineqarpoq naatsorsuutigineqarlunilu. Soorunami aaqqiissutissatut toqqarneqartuni silap pissusii, nunap ilusia minnerunngitsumillu isumannaallisaanermi tunngavissat

eqqarsaatigineqassapput, taakkulu assartueriaasissamik atorussanillu toqqaanissamut annertuunik piumasaqaateqarfiupput.

Isuqaatigiissutissat nutaat suli aalajangersimasumik neqerooruteqartitsivigineqanngillat, tamatumani Inatsisartut Aningaasaqarnermut Akileraartarnermullu Ataatsimiititaliaata siumoortumik tamatumunnga piginnaatitsinissaa apeqqutaasussaavoq. Kisiannili niuerfimmi oqaloqatiginninnernik aallartitsisoqarpoq, aammalu Ineqarnermut, Sanaartornermut Attaveqaqatigiinnermullu Naalakkersuisoqarfiup sullissisut 12-it missaanniittut, suliassani ataatsimut amerlanerusunulluunniit soqutiginnissinnaasut oqaloqatigai, tassani sinaakkusiussani piumasaqaatit arlallit naammassineqarsimanersut apeqqutaassalluni.

Erseqqissaatigineqassaaq, neqerooruteqartitsinissaq suli ingerlanneqanngimmat, aammalu sullissisut soqutiginnittut niuerfik pillugu oqaloqatigiinnermut peqataanerminni suli suliassanut neqerooruteqarnissaminnik siunnerfeqarnerlutik inaarutaasumik nalunaaruteqarsimangimmata. Tamatuma saniatigut soorunami suli akit aalajangersagassaat ilisimangilagut. Taamaakkaluortoq maannangaaq aaqqiissutissat pilerinartut nutaaliorfiusullu arlallit, isumannaassuseq eqqarsaatigalugu Kalaallit Nunaanni piffissamik eqquisarnermut pilersuinerullu illersorneqarsinnaasumik tamakkiisumik pitsannguisinnaasut pigineqartut ersereerpoq. Neqerooruteqartitsinerni pisussani periarfissat taakku qulaajaqqinneqassapput.

Niuerfimmi oqaloqateqarnerit qanittukut naammassineqarnissaat naatsorsuutigineqarpoq, tamatumalu kingorna 2016-imi marsip naanerani Naalakkersuisut Aningaasaqarnermut Akileraartarnermullu Ataatsimiititaliamut qinnuteqarniarput, neqerooruteqartitsinerpiamik tamatumalu kingorna sullissisunut neqerooruteqartunut pissusiviusut tunngavigalugit isuqaatiginninniarnissamut piginnaatinneqaqqullutik. Suliassap taassuma annertuumik ammatinneqarluni ingerlanneqarnissaa Naalakkersuisut anguniarpaat – tamatumani isuqaatiginninniarnerni pisariunerat, kissaatit pisariillisaanerillu amerlalluinnartut tunngavissanut pingaarnernut taaneqartunut sanilliunneqarnissaat ataqqineqassaaq. Taakku saniatigut suliap ingerlanerani sullissisunut neqerooruteqartunut malunnarsaarneq annertuumik atorneqassaaq.

Aningaasanut Inatsimmi ukiuni tulliuuttuni kiffartuussinissamut isuqaatigiissusiornissamut sinaakkusiunneqartut isuqaatiginninniarnissamut inissaqartitsineq annikinnerusoq ersersinneqarpoq, tassami 2017-imiit atuutilersumik ukiumut 122,9 mio. koruunit atugassiissutigineqartalertussaapput. Tassunga assersuutitut 2016-imi katillugit 133,4 mio. koruunit immikkoortinneqarsimapput (Arctic Umiaq Line-p amigartooruteqarnissaanut qularnaveeqqusiissutit ilaatinngagit). Tamanna isuqaatiginninniarnernup ingerlanissaanut piumasaqaatinik annertuunik pilersitsiviuvoq, taamatullu pinngitsoorani suliap ingerlanerani aaqqiissutissat naapitsinniarlugit isuqaatigiissuteqartoqartarnissaata naatsorsuutigineqartariaqarneranik kinguneqartussaalluni.

2) Kommunit isuqaatiginninniarnissanut pineqartunut akuutinneqarnissaminnik kissaateqarneri qanoq Naalakkersuisuniit naaperiarniarneqarpat?

Matuma siuliani allaaserineqartut 2015-imili kommunit allallu, piumasaqaatit immikkoortiterneqarnissaannut aammalu neqerooruteqartitsinissamut siunissamilu angallasseriaatsip ilusissaanut kissaatit allatorneqarnissaannut isumassarsiorfittut akuutinneqarput. Niuerfimmi oqaloqateqarnermi kommunit kissaataat naatsorsuutigisaallu sullissisunut soqutiginnittunut tunniunneqarput, taamaalillutik neqerooruteqarnerminni taakku tunngavigalugit neqeroorummik pitsaanerpaamik tunniussinissaat anguniarneqarluni. Tamatumani sullissisut tamarmik neqerooruteqartitsinerni naligiimmik inissinnissaat periarfissinneqassaaq, taamatullu neqerooruteqartitsinissami neqeroorumminnik, Namminersorlutik Oqartussat, kommunit

naggataagullu angalasussat kissaataannut pisariaqartitaannullu
naleqqussagaanerusutut naliliiffigineqarsinnaasunik tunniussisinnaassallutik.

Matuma kingorna isumaqatiginninniarnepiaat ingerlanerini pisariaqarfiini
periarfissaqarfiinilu kommunit akuutinneqarnissaat anguniassavara.

Neriuppunga matuma siuliani apeqquutit akisimassallugit.

Inussiarnersumik inuulluaqqusillunga



Knud Kristiansen